

臺灣文獻叢刊 第一輯

臺灣紀略

臺灣紀略

雜記

附安南紀遊

林氏祠匾板

臺灣紀畧

附澎湖

長樂林謙光芝嶠著

形勢

臺灣爲海中孤島地在東隅形似彎弓中爲臺灣市
市以外皆海由土而北至淡水雞籠城界與福建相
近其東則大琉球也離灣稍遠由下而南至加洛堂
郎橋止其西則小琉球也與東港相對由中而入一
望平原三十餘里層巒聳翠樹木蒼茂卽臺灣灣之
所也而海外復有沙撈名爲崑身自大崑身至七崑

身止起伏相生狀如龍蛇復有北線尾鹿耳門爲臺灣之門戶大線頭海翁窟爲臺城之外障舡之往來由鹿耳今設官盤驗

沿革

先是北線尾日本番來此搭寮經商盜賊出沒于其間爲沿海之患後紅毛乃荷蘭種由咖喲吧來假其地于日本遂奄爲已有築平安赤崁二城倚夾板舡爲援戰而各社土酋聽其約束設市于安平鎮城外與商賈貿易至壬辰年土民郭懷一反西華氏召土

番擒之戮于赤嵌城民被土番讐殺漸以消索蓋至此歸紅毛已三十餘年矣辛丑年僞鄭成功敗自長江歸漂泊無所土人勾之往乃發大小船千餘號遣何斌引港由鹿耳門入潮水忽添數尺紅毛戰敗逃入鎮城堅閉不出鄭兵沿山圍之累月柴蔬不得入又乏外援紅毛突圍遁歸成功因改臺灣爲僞東都設一府二縣僞立府尹及天興萬年二縣壬寅年五月成功卒提督馬信立其胞弟鄭世襲改號護理癸卯年成功之子鄭經自廈門來與世襲爭國世襲兵

屈退歸經遂嗣位後經至厦委翁天祐爲轉運使任
國政于是興市肆築廟宇新街橫街皆其首建也癸
卯年厦門敗經由銅山入灣改東都爲東寧省前後
招納內地兵民眷口以實之甲寅經兵入漳泉委陳
永華爲諮議叅軍留守國政乙巳年兵潰經守厦門
復令劉國軒攻開海澄縣旋爲大兵恢復鄭兵潰去
十有八九遣劉國軒調殘兵守澎湖派殷戶出糧抽
壯民爲兵致民心離散士卒喪氣辛酉年經預立其
庶子鄭欽爲監國退間于洲仔尾築游觀之地峻宇

雕墻茂林嘉卉極島中之華麗不理政務嬉遊爲樂
未幾經卒衆憚欽之嚴迫之縊死欽妻陳氏卽永華
之女亦登臺自縊遂立鄭克塽爲主年幼政出多門
福建總督姚啓聖偵知之密請南征先行秘劉興傳
爲霖約爲內應寧世爲霖被戮僞續順公沈瑞亦以

讒誅

瑞妻鄭氏僞禮官
鄭斌之女亦自盡

朝廷允姚總督之奏命靖海將軍侯施琅爲提督與
總督姚啓聖巡撫吳興祚討之康熙二十二年癸亥
六月十四日大師由銅山開駕十五日兵入八罩灣

十六日進澎湖大戰竟日勝負未決十七日舟停八
里灣十八日進取虎井桶盤嶼克之十九日將軍乘
小舟暗渡海中親觀營壘遙見澎湖媽祖台嶼上下
砲城二座風櫃尾一座四角山砲城一座雞籠山砲
臺一座東西巔砲臺一列四座西南內外塹西嶼頭
一列砲臺四座牛心灣砲臺一座沿海之處小船可
以登岸者盡設短牆置砲有連遶三十餘里海兵星
羅密布將軍決策遂於二十一日誓師二十二日分
兵進剿左師直入雞籠山右師直入牛心灣中權分

爲八陣每陣二疊將軍居中調度將左者興化鎮吳
英金門鎮陳龍銅山鎮陳昌將右者平陽鎮朱天貴
海壇鎮林暨廈門鎮楊嘉瑞提標中營羅士珍旌旗
蔽空舳艫千五百自辰至申戮力夾攻擊沉煩船八隻
燒烏船二十六隻其餘奔散無跡平陽鎮朱天貴陣
亡海兵死傷無算遂下澎湖對國軒知事不可爲勸
克塽繕表歸誠乃賫印八顆又延平王金印一顆輔
政公武平侯忠誠伯武衛將軍等銀印四顆稽首歸
順時明宗室寧靖王朱術桂向依鄭氏臺灣破闔室

自縊妻妾俱殉先是澎湖最險難以泊舟至是水神
効靈九日海不揚波麓湧甘泉大師直抵臺灣七月
初三日將軍飛章奏捷八月初二日揚旗入灣文武
官僚薙髮迎師兵不血刃臺灣已歸我版圖矣

建置

大師底定臺灣設分巡道一員領一府三縣臺灣縣
居中轄四坊十五里九街六鄉南爲鳳山縣自臺灣
府起至沙碼碯頭止共五百三十里轄六里十四鄉
二十餘社過沙碼碯頭山之背爲呂宋門港處其餘

其土番負固稀到城市今土官加老師統之北爲諸
羅縣自臺灣府起至雞籠城止共五千三百三十里
轄四里十四鄉四大社人衆力役尤多其餘二十四
社至雞籠城而界盡過此則無路可行亦無灣可泊
用小艇涉海猶有十日之程至直脚宜前面則人跡
不到矣

商人所常泊之社曰大武壠倒略 諸羅山打猫社
他里務東螺猴悶西螺南社麻支十二林三林猫羅
社大武郡坐線馬芝林阿東佐塹等社

山川

南路之山曰大岡山在臺灣之東南三十里狀如覆舟天陰埋影晴霽則見上有仙人跡鐵貓兒椗龍耳甕在焉相傳國有大事此山必先鳴又有小岡山觀音山鳳山赤山打狗山半屏山龜山凹底山皆在海濱突起平地若阿猴林則大樹蔽天材木于是乎出北路之山曰木岡曰里沙放種買猪來種半線阿里雞籠而金山則在雞籠山山朝溪後中厓精金番人拾在手霹靂隨起下溪中沙金如屑水極冷取之者

從高而望捧沙疾行少遲立凍死奇冷山卽奇嶺社
之山高百丈臺灣最暖此山獨積雪至春杪不化玉
田在野番中月夜仰視其色晶瑩如玉

南路北路溪港甚多四通五達中路離臺灣縣八里
曰鯽魚潭採捕之利足供軍需計由臺灣府起至淡
水止溪凡十八重皆發源于山以海爲歸云

沙線 礁嶼

南港口有長沙線自南港口起至淡水海外止不知
其幾千里北線尾與安平鎮城相連與赤嵌城相對

復有大線頭海翁嶼爲臺灣之外障鹿耳門與北線
尾相連船隻出入之處是臺灣之大門戶也

上淡水城對面有兩石雙峙海中謂之石門淡水城
海中有兩石雙起插天謂之旗竿石又有圭礁嶼船
遇之則碎

城郭

安平鎮城在一崑身之上東抵灣街渡頭西畔沙坡
抵大瀾南至二崑身北有海門原紅毛夾板船出入
之處按一崑身週圍四五里紅毛築城用大磚桐油

灰共搗而成城基入地丈餘深廣亦一二丈城墻各
堞俱用鐵釘釘之方圓一里堅固不壞東畔設屋宇
市肆聽民貿易城內屈曲如樓臺上下井泉鹹淡不
一另有一井僅小孔桶不能入水從壁上流下其西
南畔一帶原係沙墩紅毛載石堅築水衝不崩

赤嵌城亦係紅毛所築在臺灣海邊與安平鎮相向
其城方圓不過半里

雞籠淡水小城也紅毛築之以防海剽然利于南風
不利于北風

戶役 賦稅

戶口自鄭成功開闢二十餘年漳泉之民逋逃其中
稍穰沃野自大兵弔伐人多歸藉今供徭役者半屬
轄內之三十四社若新附諸番尚費司牧之撫循未
可征其力役也

臺灣皆屬沙堤地力最薄通府額派地丁銀共一萬
四千八百八十二兩八錢二分零稅餉在外臺灣縣
糧額銀五千二百三十四兩三錢七分零鳳山縣糧
額銀一千二百五十九兩二錢六分零諸羅縣糧額

銀八千三百九十八兩二錢八分零

學校 選舉

臺灣歸順後

天子思磨鈍振贖乃設歲科二試以鼓勵之每試府學入泮二十名補餘五名至二十名餽額滿止增如之縣學入泮十二名補餘三名至十名餽額滿止增亦如之自康熙丁卯年始其廩增全額俟人文盛日具題照內地例補足

提督軍務侯張公雲翼念海島文教不可不鼓舞以